

卷二十五 備急

卒死

蛇蟲毒

諸般傷損

火瘡

卷二十六

食治

序論

果實

穀米

鳥獸

卷二十七

養性

養性

道林養性

居處法

按摩法

天竺國按摩法

按摩法

調氣法

服食法黃帝雜忌法

房中補益

雜忌

千金要方

孫真人備急千金要方卷二十五

長洲張 附張路玉先生
南 漢 唐 宋 元 明 清 各代

備急方凡四類

卒死第一方八十七首 針灸法十首

治卒死無脈無他形候陰陽俱竭故也治之方 牽牛臨鼻上二百息牛舐必瘥牛不肯舐著鹽汁塗面上牛即肯舐

〔衍義〕卒死陰陽離決借生氣流動以鼓舞之也

又方 牛馬屎絞取汁飲之無新舊水和乾者亦得

肘後方云乾者以人尿解之此扁鵲法

〔衍義〕馬通止血解毒然須溫灌以通之

又方 灸熨斗熨兩脅下

解急方云又治屍厥

鍼灸法

鍼間使各百餘息又灸鼻下人中一名鬼客

肘後方云又治屍厥

治壓死不自覺者方 慎燈火勿令人手動牽牛臨其上即覺若卒不能語取東門上雞頭為末以酒服之

治卒壓死方 搗韭汁灌鼻孔中劇者灌兩耳

仲景云灌口中

治鬼魔不悟方 伏龍肝爲末吹鼻中○又方 皂莢爲末如大豆許吹鼻中噫則氣通起死回生集驗方云治中惡

辟魔方 雄黃如棗大繫兩腋下令人終身不魔女繫右腋○又方 灸兩足大趾叢毛中各二七壯肘後云華佗法又救卒死

中惡

治中惡方 葱心黃刺鼻孔中血出愈肘後方云使目中血出佳崔云男左女右○又方 大豆二七粒爲末雞子黃并酒相和頓

服○又方 使人尿其面上可愈肘後方云此扁鵲法

〔衍義〕魔寐乃陰邪濁惡之患故以辟邪爲務

又方 灸胃脘五十壯愈

治中惡并蠱毒方 冷水和伏龍肝如雞子大服之必吐○又方 豬脂二升溫頓服之○又方 車軸脂如

雞子大酒服

治卒忤方 此病即今人所謂中惡者與卒死鬼擊亦相類爲治皆參取而用之鹽八合以水三升煮取一升半分二服得吐即愈備急方云治鬼擊若小

便不通筆頭七枚燒末水和服之即通○又方 犢子屎半盞酒三升煮服之亦治霍亂肘後方治鬼擊○又方

書墨爲末水服一錢七○又方 臘月野狐腸燒末以水服方寸七死鼠灰亦佳

〔衍義〕中惡客忤皆濁惡之氣遏伏清陽咸以取吐爲效吐中便有發越之義

治卒忤死 灸手十指爪下各三壯餘治同上方備急方云治卒死而張目反折者 又灸人中三壯肩井百壯間使七壯巨

闕百壯

還魂湯 治卒感忤鬼擊飛尸諸奄忽氣絕無復覺或已死咬口口噤不開去齒下湯湯入口不下者分患人

髮左右足踏肩引之藥下復增取盡一升須臾立甦方 麻黃三兩桂心二兩甘草一兩杏仁七十枚 右四

味咬咀以水八升煮取三升分三服

仲景方桂不用

〔衍義〕此卽傷寒論太陽例中麻黃湯以桂心易桂枝入肝以招其魂麻黃入肺以通其魄杏仁入絡以降其逆甘草入腑以緩其暴暴逆散而魂魄安矣

治卒中鬼擊及刀兵所傷血漏腹中不出煩滿欲絕方 雄黃粉一刀圭酒服日三血化爲水

治鬼擊病方 鬼擊之病得之無漸卒著人如刀刺狀胸脅腹內絞急切痛不可抑按或卽吐血或口鼻血出

或下血一名鬼排 雞屎白如棗大青麻花一把 右二味以酒七升煮取三升熱服須臾發汗若不汗熨斗

盛火灸兩脇下使熱汗出愈○又方 艾如雞子大三枚以水五升煮取二升頓服○又方 吹醋少許鼻

中

〔衍義〕鬼擊與中惡卒忤總是一類取吐與出汗亦總是一類醋吹鼻中收攝神氣之亂也

灸法

灸人中一壯立愈不瘥更灸 又灸臍上一寸七壯及兩踵白肉際取瘥 又灸臍下一寸三壯

治五絕方

夫五絕者一曰自縊二曰墻壁壓迫三曰溺水四曰魘寐五曰產乳絕

半夏一兩細下篩吹一大豆許內鼻中卽活心下溫者一日亦

可治

治自縊死方

凡救縊死者極須按定其心勿截繩手抱起徐徐解之心下尚溫者以麝香覆口鼻令兩人吹

其兩耳○又方

強臥以物塞兩耳竹筒內口中使兩人痛吹之塞口傍無令氣得出半日得噫噫卽勿吹

○又方

搗皂莢細辛末如胡豆大吹兩鼻中○又方 刺雞冠血出滴著口中卽活男雌女雄○又方

雞屎白如聚大酒半盞和灌口及鼻中佳○又方

皂莢爲末以葱葉吹入兩鼻中逆出更吹○又方 梁

上塵如大豆許各內一小竹筒中四人各捉一筒同時吹入兩耳兩鼻卽活○又方 尿鼻口眼耳中并捉

頭髮一撮如筆管大掣之立活○又方

雞血塗喉下○又方 藍青汁灌之

〔衍義〕

縊死恐其氣脫故須塞耳吹鼻但取通氣勿使泄氣也捉髮掣之引其氣升刺雞冠血灌青藍汁取

其辟惡

又方 灸四肢大節陷大指本文名曰地袖各七壯

治熱暈方

取道上熱塵土以壅心上少冷卽易氣通止○又方 令暈人仰臥以熱土壅臍上令人尿之臍

中溫卽愈○又方

可飲熱湯亦可內少生薑橘皮甘草煮飲之稍稍咽勿頓使飽但以熱土及熬灰土壅

臍上佳○又方

濃煮蓼取汁三升飲之卽愈不瘥更灌○又方 開死人口令通以暖湯徐徐灌口中小

舉死人頭令湯入腹須臾卽蘇○又方 使人嘯其心令暖易人爲之○又方 抱狗子若雞著心上熨之○又方 屋上南畔瓦熱熨心冷易之○又方 濯地漿一盞卽愈○又方 地黃汁一盞服之○又方 水半升和麪一大抄服之

〔衍義〕 暈是虛陽暴脫故須溫順以回其陽氣蘇之後神氣未清方可用地漿地黃汁水麪等以調之既甦煩渴不解者則以蓼汁飲之

治落水死方 以甕中灰布地令厚五寸以甕側著灰上令死者伏於甕上使頭小垂下炒鹽二方寸七內竹管中吹下孔中卽當吐水水下因去甕下死者著灰中壅身使出口鼻卽活○又方 掘地作坑熬數斛灰內坑中下死人覆灰溫徹卽易勿令大熱博人灰冷卽易半日卽活○又方 取大甕傾之死人伏其上令死人口臨甕口然葦火二七把燒甕中當死人心下令咽出小入死人鼻口中水出盡則活火盡復益之常以手候死人身及甕勿令其熱當令火氣能使死人心下足得暖卒無甕者於岸側削地如甕空下如甕燒令暖以死人著上亦可用車轂爲之勿令隱其腹令死人低頭水得出并炒灰數斛令暖以粉其身溼更易○又方 埋死人暖灰中頭足俱歿惟開七孔○又方 倒懸死人以好酒灌鼻中又灌下部又醋灌鼻亦得○又方 甕中灰二石埋死人從頭至足出七孔卽活○又方 綿裹皂莢內下部中須臾出水○又方 裹石灰內下部中水出盡卽活○又方 倒懸解去衣去臍中垢極吹兩耳起乃止○又方 熬沙覆死

人面上下有沙但出口鼻耳沙冷濕卽易○又方 屈兩腳著生人兩肩上死人背向生人背卽負持行走吐出水便活○又方 解死人衣灸臍中凡落水經一宿猶可活

治冬月落水凍四肢直口噤尙有微氣者方 以大器中熬灰使暖盛以囊薄其心上冷卽易心暖氣通目得轉口乃開可溫尿粥稍稍吞之卽活若不先溫其心便持火炙身冷氣與火爭卽死

〔衍義〕溺死救急無論何法但取溫暖去水及吹孔通竅助其流動而已

治凍爛瘡方 猪後懸蹄以夜半時燒研細篩以猪脂和傅亦治小兒

〔衍義〕以血肉之燼散血肉之滯

治入水手足腫痛方 搗生胡麻薄之

〔衍義〕取其質潤性燥以溫肌腠中冷濕也

治酒醉中酒恐爛五臟方 以湯著槽中漬之冷復易夏亦用湯○又方 搗荊根汁飲三升○又方 凡醉不得安臥不動必須使人搖轉不住特忌當風席地及水洗飲水交接

治飲酒頭痛方 竹茹五兩以水八升煮取五升去滓令冷內破雞子五枚攪勻更煮一沸飲二升使盡瘥

治飲酒腹滿不消方 煮鹽湯以竹筒灌大孔中

治飲酒中毒方 煮大豆三沸飲汁三升○又方 酒漬乾椹汁服之

治酒病方

葱白

豉各二升

右二味以水四升煮取二升頓服

〔衍義〕濕熱泛濫於心胸中令人煩悶頭痛故用葱豉以發越之

治飲酒房勞虛受熱積日不食四月中熱飲酒不已酒入百脈心氣虛令人錯謬失常方 芍藥 人參 白

薇 栝蠆根

枳實

知母各二兩

甘草

一兩

生地黃

八兩

酸棗仁

半升

茯神

三兩外臺作茯苓

一斗煮取三升分三服

〔衍義〕夏月耽嗜太過令人錯謬失常皆由精神血氣離散所致故用芍藥地黃滋斂陰津人參甘草培養

陽氣栝蠆知母解渴除煩棗仁茯神收攝精神白薇枳實宣通胃氣虛火退而精津復神氣安而錯謬除矣

治連月飲酒咽喉爛舌上生瘡方

大麻仁

一升

黃芩

二兩肘後千金翼方俱作黃栢

右二味爲末蜜和丸含之

治酒醉不醒方

飲葛根汁一斗二升取醒止

肘後云治大醉連日煩毒不堪

〔衍義〕酒醉不醒濕熱漸漬於中外而致骨更筋弛故取葛根大開肉理以泄之然惟形氣充盛者爲宜若

稟質清癯者服之未免津隨汗脫又未可一例而施也

飲酒令人不醉方

柏子仁

麻子仁

各二兩

右二味治下篩爲一服進酒三倍

〔衍義〕柏子仁益氣安五臟久服令人潤澤美色耳目聰明麻子仁補精益氣久服令人肥健皆本經主治

其功並載仙經豈特飲酒不醉而已

又方 葛花 小豆花等分 右二味合爲末服三方寸七飲時仍進葛根汁芹汁及枇杷葉飲並能倍酒

〔衍義〕葛花開發胃氣豆花通利小腸上下分解濕熱之氣也然惟胃氣充實者足以勝之

又方 九月九日菊花爲末臨飲服方寸七○又方 小豆花葉陰乾百日爲末服之○又方 五月五日取井中倒生草枝陰乾爲末酒服之

飲酒令無酒氣方 乾蔓菁根二七枚三遍蒸爲末取兩錢許酒後水服

治惡酒健嘔方 空井中到生草燒灰飲之勿令知

〔衍義〕倒掛草生陰柔濕土之上足以制攝陽剛用以燒灰飲之密令性氣下降可無上擾之患矣

又方 取其人牀上塵和酒飲之

斷酒方 柳花 臘月鼠頭灰 右二味等分爲末黃昏時酒服一盃○又方 白猪乳汁一升飲之永不飲

酒○又方 鷓鴣屎燒灰水服方寸七永斷○又方 蟻螬乾搗末和酒與飲永世聞酒名卽嘔神驗○又

方 刮馬汗和酒與飲終身不飲○又方 虎屎中骨燒末和酒與飲○又方 白狗乳汁酒服之○又方

臘月馬腦和酒服之○又方 驢駒衣燒灰酒飲方寸七

蛇蟲等毒第二

論六首 方一百二十七首
灸法二首

治因熱逐涼睡熟有蛇入口中挽不出方 以刀破蛇尾內生椒二三枚裹著須臾卽出

肘後方云艾炙蛇尾卽出若無火以刀周

面割蛇尾截令皮斷
乃將皮倒脫即出

治蛇入人口中并七孔中者方 割母猪尾頭瀝血著口中即出○又方 以患人手中指等截三歲大猪尾
以器盛血傍蛇瀉血口中拔出之

〔衍義〕蛇性善竄拔之最難非借猪尾善動之熱血助其潤澤之勢不能抑之倒出但首法大險難以輕試
治卒爲蛇繞不解方 以熱湯淋之無湯令人尿之

治蛇蝎螫方 服小蒜汁滓薄上肘後方云治蝮蛇螫○又方 熟搗葵取汁服之

治蛇螫方 人屎厚塗帛裹即消

治蛇毒方 消蠟注瘡上不癢更消注之○又方 以母猪耳中垢傳之肘後方云牛耳中垢亦可傳之

治蝮蛇毒方 以射罔塗腫上血出即愈○又方 生麻楮葉合搗以水絞去滓漬之○又方 令婦人尿瘡

上○又方 求薑薄之乾即易○又方 雞屎二七枚燒作灰投酒中服之○又方 以麵團上令童男尿

著中燒鐵令赤投中冷復燒著三二度瘡○又方 雄黃爲末傳之日一易○又方 鹽四兩水一斗煮十

沸沸定以湯浸冷易之○又方 紫莧搗取汁飲一升以滓封瘡上以少水灌之○又方 梳中垢如指大

長一寸尿和傳之○又方 取合口椒同胡荽苗等分搗傳無不瘥○又方 用銅青傳瘡上○又方 搗

大蒜和胡粉傳之○又方 嚼大豆葉塗之良○又方 猪脂和鹿角灰塗之○又方 炙梳汗出熨之

〔衍義〕上皆解蛇傷毒方廣列以便採用

治諸蛇毒方 雄黃 乾薑各等分 右二味爲末和射罔著竹筒中帶行有急用之

入山艸辟衆蛇方 雄黃 乾薑 麝香各等分 右三味搗爲粗末以小絳袋盛帶之男左女右蛇毒塗瘡集驗

方云如無麝香以射罔和代之救急方云以蜜和爲膏傳螫處良 ○又方 常燒殺羊角使烟出蛇則去矣

〔衍義〕上三方皆預備辟蛇之法

治蛇螫人瘡已愈餘毒在肉中淫淫痛癢方 大蒜 小蒜各一升 右二味合搗以熱湯淋汁濯瘡大良

治蛇骨刺人毒痛方 鐵精如大豆許內管中吹入瘡中良○又方 燒死鼠爲末傳之

〔衍義〕大小蒜皆氣味辛烈能通諸竅辟邪鬼消腫毒 鐵精至陰之性得純陽火煉而輕浮上升故可拔

陰邪之毒

治衆蛇螫方 灸上三七壯無艾以火頭稱瘡孔大小熱之

治虎咬瘡方 濃煮薑根汁洗十數遍及搗爲散以薑根汁服方寸匕日五甚者夜二○又方 青布急捲爲

繩止一物燒一頭燃內竹筒中注瘡口熏之妙○又方 煮鐵令濃洗瘡○又方 嚼生栗子塗之良

辟虎法 凡入山燒水牛殺羊角虎狼蛇皆走

〔衍義〕虎稟陰毒之性動則生風傷人最暴陰毒匿於身中非葛根之起陽氣解諸毒不能升發使之外解

然須生者尤良 其用青布捲熏取藍之清熱解毒藉火氣以宣散之也 外用鐵煎洗之鎮攝其毒不令
嫩發 生栗拔毒嚼罨塗之以其能出箭頭惡刺比類而推以用之也

論曰凡見一切毒螫之物必不得起惡心向之亦不得殺之若輒殺之於後必遭螫毒治亦難痊慎之慎之

治蠍毒方 凡蠍有雌雄雄者痛止在一處雌者痛牽諸處若是雄者用井底泥塗之溫則易雌者用當瓦屋
溝下泥傳之若值無雨可用新汲水從屋上淋下取泥○又方 取齒中殘飲傳之又豬脂封之又射罔封
之又礪砂和水塗上立愈

治蠍螫方 若著手足以冷水漬之水微暖即易之著餘處著冷水漬故布搗之少暖則易○又方 生烏頭
爲末唾和傳之

〔衍義〕蠍稟東北方之毒氣最銳人被其毒則以井泥漏土傳之風得土實則不能通得水漬則不能起皆
相制之義其用射罔之毒以辟之礪砂之烈以攻之又以烏頭末唾傳之取同氣之應以宣散之也世有用
新木椀合蜈蚣末傳亦取同氣之治以蜈蚣善能截風也

治蜂螫毒方 取瓦子摩其土唾二七遍置瓦子故處

治蜂螫方

豬脂

蜜

蠟

右三味和煎如膏候冷以塗之○又方

燒蜂房爲末豬膏和塗之

後肘

方云先煮蜂房
洗之又燒塗之○又方

酥脂塗之立愈○又方

燒牛屎灰以苦酒和塗之○又方

齒垢塗之○又方

齒垢塗之○又方

醇醋沃地取泥塗之○又方 瞻鹽塗之○又方 以人尿新者洗之○又方 尿泥塗之

〔衍義〕蜂之腰細而毒鍾於尾螫人則刺留肉中但取蜂房燒灰塗之卽消一種釀蜜之蜂其毒稍遜則以猪脂蜜蠟塗之卽以其毒治其毒也

論曰凡蠮螋蟲尿人影著處便令人病瘡其狀身中忽有瘳處痛如芒刺亦如刺蟲所螫後起細瘳癰作聚如菜莢子狀四邊赤中央有白膿如黍粟亦令人皮肉急舉身惡寒壯熱劇者連起竟腰脇胸治之法初得之摩犀角塗上止其毒治如火丹法余以武德中六月得此疾經五六日覺心悶不佳以他法治不愈又有人教畫地作蠮螋形以刀細細畫取蠮螋腹中土就中以唾和成泥塗之再塗卽愈方知天下萬物相感莫曉其由矣

治蠮螋尿方

殺羊髭燒灰臘月猪脂和封之○又方

搗鼓封之○又方

醋和胡粉塗之

治蠮螋尿瘡方

燒鹿角爲末以苦酒和傅瘡上已有汁者燒道傍弊蒲席傅之○又方 槐白皮半斤切以

苦酒二升漬半日刮去瘡處以洗日五六遍仍以赤小豆末以苦酒和傅之燥復易小兒以水和○又方

嚼大麥以傅之日三○又方 燕巢中土以猪脂和傅之○又方 熟嚼梨葉以水和塗燥復易之○又方

馬鞭草搗爛以傅上燥則易之○又方 取吳茱萸東行根下土醋和塗之

〔衍義〕蠮螋生於暗濕性稟陰毒其尿著人則發瘳癰腐敗成瘡治以鼓封小豆大麥等類方雖不一俱消毒散腫之用其胡粉醋燕泥脂調並取收攝濕毒與今人醋磨鐵銹同意羊髭鹿角皆成瘳後治法

治三種射工蟲毒方

論曰江南有射工毒蟲一名短狐一名蜮其蟲形如甲蟲

外臺云正黑狀如犬飛生

無目利耳有一長角在口前如弩以氣

爲矢因水勢以射人人聞其在水中鏐鏐作聲要須得水沒其口便以口中毒射人此蟲畏鵝鵝能食之其初

見證有似傷寒先惡寒噤瘳寒熱筋急亦似中風便口噤不能語且小蘇哺輒劇寒熱悶亂是其證也如得三

四日急治之治稍遲七日死射著人影者不卽作瘡但惡寒噤瘳自非其地之人不知其證便謂傷寒每多誤

治及成瘡似蠅螬尿亦似癰疽瘡射工中瘡有三種其一種瘡正黑如黛子皮周邊悉赤或衣犯之如有芒刺

痛其一種作瘡久久穿或晡間寒熱其一種如火灼烟起似此者最急數日殺人中人頭面又急腰已上去人

心近多死腰已下稍緩不治亦死

備急方云有四種其一種突起如癰

治射工中人寒熱或發瘡在一處有異於常者方 取鬼臼葉一把漬苦酒中熟搗絞汁服一升日三〇又方

取生吳茱萸根葉一握斷去前後取中熟搗以水二升煮取七合頓服〇又方 取胡荽切貼瘡灸七壯〇

又方 取蜈蚣大者一枚炙治爲末苦酒和傅瘡上〇又方 取赤莧菜熟搗絞取汁每服一升日四五

服〇又方 取白雞屎白者三枚湯和塗中毒處〇又方 升麻三升烏扇根 犀角各二兩 右三味咬咀

以水四升煮取一升半去滓分再服相去如一炊頃盡更作

治射工中人三種瘡方 升麻二兩烏扇根三兩 右二味咬咀以水三升煮取一升適寒溫盡服滓傅瘡上

治射工中人已有瘡者方 取芥子搗爛苦酒和厚塗瘡上半日痛便止○又方 取狼牙葉冬取根搗令熟
傅所中處又飲四五合汁

五香散 治嶺南毒氣惡核射工中人暴腫生瘡方 甲香 犀角 鱉甲 升麻 薰陸香 丁香 沉香

烏髮 青木香 川連 黃芩 羚羊角 甘草 牡蠣各四分 吳茱萸三分 川柏六分 右十六味治下篩

中射工毒及諸毒皆水服方寸七日二并以水和少許洗之仍以雞子白和塗腫上乾則易

野葛膏 治射工惡核卒中惡毒方 野葛一升巴豆 烏頭 川椒各半升 茵芋 躑躅 附子 丹砂各一兩

雄黃 大黃各七兩 右十味治下篩以不中水猪膏三斤煎三上三下去滓內丹砂雄黃末攪至凝似棗核

大摩痛上勿近眼凡合名膏皆無令產婦女人小兒雞犬六畜見之惟宜清淨

〔衍義〕五香通竅散血三黃分解毒熱升麻吐壘毒諸邪烏扇散咽喉結氣吳茱萸逐風痹止痛甘草解中

外邪毒鱉甲除堅積寒熱牡蠣與堅消腫犀角散血解毒羚羊角散惡血壘毒辟一切不祥乃射工之專方

無出其右 野葛膏彙集諸毒爲外摩之首藥 其餘小方總不出辟除惡毒也

治沙蟲毒方 蟬蛻一枚或二枚熬爲末服一大枚燒令煙絕爲末著瘡中○又方 大蒜十枚合皮安熱灰

中炮令熱去皮刀斷蒜頭取熱著毒處○又方 麝香 大蒜 右二味合搗以羊脂和著小筒中帶欲用

取傅瘡上○又方 雄黃 硃砂 恆山各等分 右三味取五月五日日中時令童子合之取傅瘡上

〔衍義〕沙蟲射工總是一類或用蟹螯燒傳或用煨蒜熱熨 或用蒜麝羊脂搗塗 或雄黃硃砂恆山合傳蓋蟹螯能治鬼瘰癧毒大蒜辟惡除邪麝香去三蟲蠱毒雄黃殺毒蟲硃砂攝伏諸邪恆山吐痰結蠱毒隨便取用原無分於彼此也

治石蛭方

山水中陰濕草木上石蛭著人則穿啗人肌膚行人肉中浸淫噴起如蟲行道之狀

凡行山路草木中常以臘月猪膏和鹽塗脚脛及足趾間

跌上及著鞋襪蛭不得著人也已著者炙斷其道即愈

〔衍義〕石蛭生於黔陽乃濕熱所化土人以鹽化之并取臘月猪脂引入蟲口也

治水毒方

論曰凡山水有毒蟲人涉水之時中人似射工而無物初得之惡寒微頭痛目眩疼心中煩懊四肢振慄腰背百節皆強兩膝痛或翕翕而熱但欲眠睡旦醒暮劇手足逆冷至肘膝二三日腹中生蟲蝕人下部臍中生瘡不痛不癢令人不覺不急治過六七日下部出膿潰蟲上食人五臟熱盛毒煩下利不禁八九日雖良醫不能治矣其毒有陰陽之異覺得之急早視其下部若有瘡正赤如截肉者爲陽毒最急若瘡如鯉魚齒者爲陰毒猶小緩要皆殺人不過二十日也欲知是中水與非者當作五六升湯以小蒜五升切投湯中消息勿令太熱去滓以浴之是水毒身當發赤斑無是者非也當以他病治也

解水毒飲子 治人急中水毒手足指冷或至肘膝者方

吳茱萸一升 生薑切一 犀角 升麻

橘皮各一

附張路玉先生衍義

烏梅^{十四枚}

右六味咬咀以水七升煮取二升分二服

〔衍義〕此方藥非峻烈而辟邪解毒如鼓應桴不獨治水毒也南粵蠱毒之鄉初覺中害卽以此儘力探吐其毒便解又凡牛馬食草中蛇虺之毒脹死急以此灌之皆可救活方中吳茱萸下氣辟邪除濕止痛生薑辟一切不正之氣犀角散惡血解諸毒蠱瘕升麻辟除瘴癘蠱毒入口皆吐出橘皮下氣通神逐穢惡諸邪烏梅解熱毒斂正氣可知辟邪解毒之功洵不尋常其垂功於後世也普矣其後小方如浮萍治風毒水氣梅葉桃葉解毒殺蠱蒼耳去毒出斑蓼能下水除腫藍青殺蠱疰毒蛇莓專治蛇虺諸毒不必執拘隨其便而取用可也

又方 浮萍草曝乾爲末酒服方寸匕○又方 梅葉桃葉搗絞取汁三升許或乾以少水絞取汁飲之小兒不能飲以汁傳乳頭與之○又方 搗蒼耳汁服一升又以綿裹杖沾汁導下部日三瘥○又方 搗蓼一把以酒和絞取汁一升飲之不過三服瘥^{外臺肘後作梨葉用}○又方 搗鹽一把水解以塗浴面目身體令遍○又方 搗蛇莓根爲末水飲之并導下部生者用汁凡夏月行常多齋此藥屑入水以方寸匕投水上流無所畏又辟射工凡洗浴以少許投此盆中卽無毒

治猫鬼野道病歌哭不自由方 五月五日自死赤蛇燒作灰以井花水服方寸匕日三○又方 臘月死猫

頭燒灰水服一錢七日二